



Република Србија  
МИНИСТЕРСТВО ПРОСВИТИ,  
НАУКИ И ТЕХНОЛОГИЈНОГО РОЗВОЈУ  
Число: 610-00-00286/2020-07  
Датум: 18.3.2020. року  
Београд  
Неманьова 22–26

ПРЕДШКОЛСКА УСТАНОВА  
- директорови -

Почитовани/а,

Зоз циљом правилног и равномрног поступања предшколских установах у запровадзвану Одлуку Влади Републике Србије о **застановйовану** виводзена настави у високошколских установах, штредніх и основних школах и **порядней работи установах предшколскогo воспитаня и образования** («Службени глашнік РС», число 30/202 од 15.3.2020. року), у складзе з Одлуку о преглашену позарядога стану («Службени глашнік РС», число 29/2020 од 15.3.2020. року) и Уредбу о мирох под час позарядового стану («Службени глашнік РС», число 31/2020 од 16.3.2020. року), а сходно обовязки Министерства просвити, науки и технолоґийного розвоју же би проваздо и унапрямовало организацију активносцох управяня з людскима ресурсима у воспитно-образовних установах и з почитованьом общих упутствох и препорученьох целох цо компетентни за провадзене стану и унапрямоване и усоглашоване активносцох державних орґанох, организацијох и службох покля тирва опасносц од ширеня оберачей хороти COVID-19, з циљом зменшованя можлівосци преношеня оберачей хороти медзи занятима и заштити тих цо су виложени векшому ризику пре чкодліви здравствени компликації, **потребне же би предшколски установи подняли шлїдујуци мири и активносци:**

У ситуацији позарядового стану и застановйовану порядней работи прешколских установах орґанизовац лем нужни процеси у работи (хтори виключую непоштредну роботу з дзецми) у обсягу хтори оможлївює заштиту здравя и безпечносц занятих и других особох и заштиту маєтку, а то подрозумює:

- **утвердзоване розпорядку потребних дежурствох**

У сотрудніцтве з Педгогийним колеґиюмом, директор прави **тижньови план дежурствох** – окреме меркуюци на заштиту даєдних категорийох занятих (потребне мац у оглядзе же насампредз загрожени особи з утвердзенима хронічними охоренями и особи старши як 60 роки и же окремну заштиту ма родитель хтори ма дзецко до 12 рокох, а насампредз кед родитель сам окончує родительски права або другому родительови установена работна обовязка), як и

на рівномірне обтерховане занятих з цільом організації необхідних роботах и активносцох:

- нацива и перевірюване шицких обектох у предшколскей установи и запровадзоване основних процивепидемийних мирох – луфтиране просторийох, мири порасня и дезинфекції, перевірюване стану и безпечности обекту;

- утвердзоване роботи одвитующих службох Установи пре окончоване необхідних роботах: руководзєня, фахових, административно-рахунководствєних и технїчних роботах, як цо то: порядна комуникация з компетентними службами, фахово роботи у вязи з планованьом и реализацию активносци воспитачох и фахових сотруднїкох у домену професионального учєня и розвою и насампредз у домену потримовки фамелийом; роботи вязани за обрахунок плацох, заключоване хорованя, попис роби у магазинох (пописац магазин з поживовима продуктами, з поживовима продуктами хтори ше швидко губя и тоти хторим вишол час за хасноване пописац на окремну лїстину и информовац локалну самоуправу пре доставане инструкцийох); пописац средства и прибор за отримоване гигиєни и дезинфекцию, барз чувац и рационално розпорєдзиц средства або у догварки з локалну самоуправу преунапрямиц далєй по иструкцийох локалней самоуправи.

Директоре одвичательни организовац незавадзанє функционованє предшколскей установи з минимум ризику за шицких занятих у установи. Тижньови план дежурствох муши буц доступни на сайту установи або го подзелїц занятим преїг СМС поручєня и по електронскей пошти.

Зоз организацию дежурствох и роботу розличних службох потребне випочитовац общи препоручєня и мири превєнції (робота у оддзелєних канцеларийох/просторийох хтори ше поряднє луфтира и дезинфикує хаснуюци потребни зашитни маски и рукавици; керовац блїзки контакти – на оддалєносци меншей як 2м; странки не уходза до канцеларії алє заняти видзе вонка и окончи розгварку/або да информации з препоручєней оддалєносци). Потребне обезпєчиц же би дезинфекцийни средства були доступни дежурним занятим особом (як и цєпла вода и мидло, паперово помитки). Тирванє дньового дежурства занятих у обектох установи ше утвердзи на основи фахovej прецени природи и потребного тирваня конкретних активносцох, роботах и задлужєньох яки потребне окончиц и числа окончовательох з почитованьом шицких превєнтивних мирох и препоручєньох.

- шицки други заняті (хтори того дня не маю обовязку дежурства) оставаю у своїх обисцох – почитує ше мири изолациї и зменшованя контактох, провадзи инструкції и препоручєня хтори важаца за шицких гражданох. Тиж, заняті длужєн у роботним чаше под час окончованя роботах звонка просторийох установи, односно у своїм обисце, непоштредному руководитєльови буц доступни на телефон, преїг електронскей або непоштредней комуникації, пре взаємнє информованє або обезпечованє согласности, и поступац у складзе з утвердзєну роботу обовязку.

**Указуєме на тото же застановйованє порядней роботи предшколских установох не значи подполнє претаргнуцє роботи установи и занятих, алє застановйованє реализациї непоштредней воспитно-образовней роботи з**

**дзецми и приспособоване обставином яки вимагаю неперервне проваджене мирох и препорученьох компетентних інституційох.**

- **інформоване родичох и занятых, зазбероване потребних податкох, сотрудніцтво з фамелию и компетентними інституціями**

Обовязує ше директорох предшколских установох же би порядне провадзели інформації, упутства и вимагання компетентних органох и службох и же би обезпечели прецек інформаційох гу одредзеним хасновательом.

Маюци у оглядзе же у тей хвильки неможліве предвидзиц кеди ше претаргне позарядови стан и оможліви подполна нормализация работи у установох, важне же би каждая явна предшколска установа почитовала упутства и препорученя єдинки локальной самоуправи хтори фундаментовани на порядним провадженю епидемиологіейней ситуації и шицки мири и препорученя компетентних органох **и у вязи зоз запровадзованьом упису дзецох до роботного 2020/21. року** (утвердзоване термину розписованя Конкурсу за упис дзецох, запровадзоване услуги е-Овода у конкретней установи/локальной самоуправи преїг порталу е-Управа; организация работи уписней комисії и запровадзоване процедурох хтори облапяю інформоване родичох о способох подношеня вимагання за упис, числу шлебодних местох, обявйоване прелиминарней и конечней лістини, терминох за жалби и других питаньох цо значни за запровадзоване упису дзецох до наступного роботного року).

Важни упутства у вязи з превенцию ширеня вирусу COVID-19, хтори достати од компетентних інституційох, потребне прешлїдзиц родичом на електронски способ або їх інформовац преїг огласних таблох.

- На уходних дзверох шицких обектох ПУ поставиц інформації за родичох з неособними інформаціями (з назначеньом числох телефону одвичательних особох и Управи за шицки значни інформації хтори годни достац на телефон);
- Родичи хтори би вжац дзєцински ствари зоз оводи, не шму уходзиц до обекту оводи але можліве организовац, кед ше преценї як нужне, же би єдна особа зоз оводи вжала потєбни ствари и придала их родичом.

Понеже предшколски установи у порядних условийох унапрямени на каждодньову непоштрєдну комуникацию и сотрудніцтво з родичами/другими законскими заступніками дзецох, важне же би у терашней ситуації кед застановена порядна воспитно-образовна работа установох предшколского воспитания и образования, а у складзе з мирами под час позарядового стану и у найлєпшим интересу дзецох, їх ученя и розвою – ше плановало/вितворйовало інформоване родичох преїг сайту ПУ, флаєрох/брошурох, панох за інформації за хтори ше обезпечи простор на уходзе до оводи. Змист на информативним паноу, брошурох/флаєрох може буц шицко цо важне у тей ситуації – од запровадзованя основних процив-епидемийних мирох и способе справованя под час позарядового стану, по препорученя за бависка и активносци з дзецми.

Воспитаче и фахово сотрудніки плануую и запровадзую активносци яки доприноша нормализації фамелийного животу у условийох яки наклада

епідеміологічна ситуація. Тото значи же би преїг розполагаючих каналох комуникації витворївали комуникацію з родичами, помагали им з идеями як у условийох у обисце организовац бависка и активносци своїм дзецом, и зоз совитами як тоти хвильки же би вихасновали за комуникацію и бависко зоз своїма дзецми.

На тот способ Вас інформуєме и же Министерство просвити, науки и технологійного розвою у сотрудніцтве з академску заєдніцу, фаховними здружєнями и партнерскимa організаціями и установами, интензивно розпатра розполагаюци ресурси и можлїви способи потримовки воспитачом у домену їх ученя през цали живот и фахового усoвершованя, о чим Вас на час інформуєме, а з цильом моцненя капацитетох за професіонални розвой, професіональне явне дїйствованє и потримовку фамелійом, як и системи предшколского воспитаня и образованя у цалосци (отворени он-лайн ресурси за воспитачох у домену витворїованя їх розличних и зложених професіоналних улогах).

По тамаль Вас поволуєме у сотрудніцтве з фахову службу, стимуловац воспитачох же би указали свою креативносц и професіоналносц и витворели професіоналну черанку, комуникацію и ученє преїг скайпу, мудл-а, вайбер групох або преїг доступних он-лайн ресурсох або платформох (як цо то ресурси на сайту: <http://www.predskolci.rs/>).

Прешвечени зме шицки ведно, з дошлїдним почитованьом превентивних мирох и препорученьох компетентних институційох за зоперанє ширєня вирусу COVID-19, укажеме високи уровень професіоналізму, взаємней солідарносци и одвичательносци у найлєбшим інтересу дзецох, фамелійох и шицких занятих, як и нашого дружтва у цалосци.

**МИНИСТЕР**

**Младен Шарчевич**